

يعقوبی نامه

۱

۱ یعقوبی طرفی کا، خدا و عیسیٰ مسیح خداوندی نوکر،
دونزه گله قبيله را که دیتیر جگا اون کا ولا اینه.
سلام!

شمه ایمانی آزمایش گرده

۲ چمن پرا ان، هر موقع که جور به جور آزمايشون دیله کا دلکیرونه، گرد
آوون برگ شادی پزونه! ۳ چوم بزنیرون که وختی شمه ایمان آزمايش ببو، صبر
و تحمل به بار بوآردی. ۴ بس پدازه صبر و تحمل کاملا ایشتن ثمره آده تا شمه بی
عیب و کامل بییه و چپی گم مداره. ۵ اگم کسی شمه دیله کا حکمت نیشه، آبی
خدا کا پی. هه خدایی که دس دیل بازی نه و بیدون سرکوفت زنده، گردی آده،
و آبی نی آدوغه بی. ۶ ولی آ شخص بسی ایمانی نه پی، بیدون امله شک بگره،
چوم کسی که شک بگردی، دریا موجی شیوار استه که وا نه ام طرف ا طرف
بشی. ۷ انته ره کسی خیال مگره که خداوندی کا چپی ویگره، ۸ چوم ا دیله
آدمی استه و ایشتن گرده راه اون کا ثبات نیشه.

۹ فقیره پرا ایشتن سریلندی کا که هستیشه فخر بگره، ۱۰ و ثیروتمنده آدم ایشتن
فروتنی را فخر بگره، چوم که آ، ویاوونی واشی گلی شیوار از بین بشی. ۱۱ هته که
افتناو ایشتن سوزان گرما نه پرا و واشی خشک آگره و چپی گل ویبو و چپی قشنکی
از بین بشی، ثیروتمنده آدم نی ایشتن کسب و کاری دیله کا از بین بشی.
۱۲ حسه ببو آ کسی که آزمايشون باری جیری کا صبر و تحملی نه تاو بوآردی،
چوم وختی آزمايشی کا سریلند برون بوئی، آزندکی بخشه تاجی ویگره، آ تاجی که
خدا به کسونی وعده دوغشه که آینه خشینه.

۱۳ هیچکس وختی وسوسه بی، مواجه: «خدایه که من وسوسه بگردی،»
چوم خدا هیچ بدی نه وسوسه نییب، و هیچکسی نی وسوسه نگره. ۱۴ ولی
وختی که ابی نفر وسوسه بی، چپی ایشتن هوا هوس استه که آبی گول بزنی و تله

کا دَرَفَنه. ^{۱۵} دومله وختی هوا هَوَس حاميله يبي، گناه بَرَندي و گناه ني وختي
 کاملاً يال يبي، مرگ به بار بوآردى.
^{۱۶} چمن عزيزه برا ان، گول مره! ^{۱۷} هر چاک هديه اى و هر کامل هديه اى
 آسمونى کا استه، آده اى طرفى کا که نورى خلق گردشه و چي ديله کا هيچ
 تغييرى نيته، و نه هيچ ساى که تغييرى کا به وجود اومه ببو. ^{۱۸} آ، اِشْتَن اِراده نه
 کلامى حقيقتى نه امه خلق گردشه تا چي مخلوقاتى نو بر ببويم.

کلامى دَرَسَه و اَنجام دوعه

^{۱۹} چمن عزيزه برا ان، امى بزونه که: هر کسى بسى گفى دَرَسَه کا تِنْد ببو، گف
 رَنْدِه کا گُنْد ببو و عصبانيتى کا ني آروم ببو! ^{۲۰} چوم آدمى عصبانى ببیه، خدا
 عدالتى به بار نوره. ^{۲۱} بس هر جوَره فساد و هر جوَره شرارتى اِشْتَن کا دور آگره
 و فروتنى نه، کلامى که خدا شمه ديلي ديله کا نِشا گردشه قبول بگره. آ کلامى که
 بَشای شمه جانون نجات بده.

^{۲۲} ولى خدا کلامى عمل بگره، نه ام که فقط اى دَرَسَه؛ اِشْتَن گول مرنه!
^{۲۳} چوم اگم کسى خدا کلامى دَرَسَه اما اى عمل نگره، کسى شيوار استه که
 آواينه کا اِشْتَن ديمي ديسه. ^{۲۴} آ، اِشْتَن چي ديله کا بويندى، اما تا آواينه پيشى کا
 دور ابو، اَلْبَحَل ویر بگره که چننه ره قيافه اى شى استبه. ^{۲۵} ولى آ کسى که
 کامله شريعتى، که آزادى شريعت استه ذول رَنْدَشَه و دَرَسَه و اى ویر بگره
 بلگم اى عمل بگردي، آ، اِشْتَن کارى کا بَرکت بگتى.

^{۲۶} اگم کسى گمون بگردي ديندار استه، اما اِشْتَن زرونى پيشى نيمشا بگره،
 بلگم اِشْتَن ديلي گول بزنه، چي ديندارى هيچ ارزشى نيشه. ^{۲۷} پاک و خالصه
 ديندارى خدای دده نظرى کا امه که، يتيمون و ويوه ژنکون مصيبتى کا چوون
 دسى بگرم و ام فاسده دنيا کا اِشْتَن دور غم برم.

۲

فرق نوعه گناه

^۱ چمن برا ان، شمه که به چمه خداوند عيساي مسيح، آ خداوند جلالى
 ايمان دازه، نبى آدمون ديله کا فرق بنيه. ^۲ چوم که اگم کسى ايله طلا انگشترى
 و خاصه خلا نه بوعى شمه مجلسى ديله و ايله فقير ني گنه خلا نه ديله دشه،
^۳ و اگم شمه آ کسى که خاصه خلا دگر دشه و رتر تحويل بگره و يى نه بوآجه:

«پری ام چاکه جگا کا پِنش،» اما آ فقیری نَه بواجَه: «او آ کا بومون!» و یا: «اییا کا چمن پا پیشی کا زمینی سَری کا پِنش،»^۴ مگم شِمه، شِمه دیله کا فرق نوعَه نیرونَه و بَدَه فیکرون نَه قضاوت گردَه نیرونَه؟

^۵ عزیزه برا ان، گوش بدییَه! مگم خدا ام دنیا فقیرون انتخاب گردَه نیشه تا ایمانی کا دولت مند بیون و آ پاتشایی به ارث پیرن که خدا، به کسونی وعده دو عَشه که آیینَه خشینَه؟^۶ اما شِمه فقیره آدمی بی حرمتی گردرونَه. مگم پولدارن نینَه که شِمه ظلم بگردین و شِمه گشونن به محکمَه؟^۷ مگم اون کسونی نینَه که آشرفَه نومی که شِمه سَری کا نوعه بییَه، کُفر بواتین؟

^۸ اگم شِمه راس راسی، شاهانه شریعتی، مطابق مقدس نیویشته اون ام گفی به جا بوازه که بواتی: «اشته خَمسوعه نَه اشته جانی شیوار خَش بَبش،» چاکه کاری بگردیرون.^۹ اما اگم فرق بنییَه، گناه گردرونَه و شریعت شِمه تقصیرکار بَرنی و شِمه محکوم بگردی.^{۱۰} چوم اگم ایی نفر شریعتی گردی انجام بَدَه اما فقط ایله کا کم کاری بگره، آشرفی گردی کا گناهکار اِسته.^{۱۱} چوم، آخدایی که واتشه: «زنا مگه،» هنته نی واتشه: «قتل مگه.» ته اگم حتی زنا مگری، ولی قتل بگری، شریعتی قانونی چاکندرَه.

^{۱۲} بس کسونی شیوار گف بَرنه و عمل بگره که بَرنین طبق آزادی یه شریعت، بر آوون داوری بیی،^{۱۳} چوم داوری نسبت به کسی که رحم گردش مَبو، بی رحم بیی. رحم، داوری آفجور بیی!

ایمان بیدون اعمال مَرده

^{۱۴} چمن برا ان، اگم ایی نفر ادعا بگره ایمان هستیسه، اما اعمال مداره چه فایده ای هستیسه؟ اِنته ره ایمانی بَشای آپی نجات بَدَه؟^{۱۵} اگم ایله برا یا ایله خالا، روزونه خوراک و خلا محتاج ببو^{۱۶} و ایی نفر شِمه کا آوون نَه بواجَه: «بِشَه به سلامت، گرم و سیر آبییَه،» اما چوون جسمی نیازون آمده آوون، چه فایده هستیسه؟^{۱۷} بس ایمان خالی خالی، اگم اعمال مداره، مَرده.

^{۱۸} ولی مُمکنه ایی نفر بواجَه: «ته ایمان هستیره و از نی اعمال هستیمه!» ته اشته ایمانی بیدون اعمال به من نیشون بَدَه و از چمن ایمانی اعمالی نَه به تن نیشون بداییم.^{۱۹} ته باور داری که خدا ایله اِسته. چاک بگردیش! حتی دیون نی اِنته ره باور دارن و ترسی کا لرزن!

^{۲۰} ای نادون، پیستیره بزونی چیرا ایمان بیدون اعمال ثمره نیشه؟^{۲۱} مگم چمه

جَدِّ اِبْرَاهِيمِ اَعْمَالِي نَهْ صَالِحِ بِهْ حَسَابِ اَوْمَهْ نِيِيَهْ، اَ مَوْعِ كِهْ اِشْتَنَ زُوئَهْ اِسْحَاقِي قِرْبُونِگَه سَرِي كَا تَقْدِيمِ گَرْدِشَه؟ ^{۲۲} بُویندیش كِه چِي اِيْمَانِ وَ اَعْمَالِ يَنْدِي نَهْ كَارِ بَگَرْدِينِ، وَ چِي اِيْمَانِ چِي اَعْمَالِي نَهْ كَامَلِ اَبَه. ^{۲۳} وَ تَوْرَاتِي اَ نِيُوِيَشْتَه اَنْجَامِ بَهْ كِه بَوَاتِي: «اِبْرَاهِيمِ بِهْ خِدا اِيْمَانِ وَرْدِشَه وَ اَمِ اَيِيرا صَالِحِ بِيِيَهْ بِهْ حَسَابِ اَوْمَهْ،» وَ اِبْرَاهِيمِي نَهْ خِدا رَفِيقِ وَ اِشْوَنَه. ^{۲۴} بُویندِيروُنِ اَعْمَالِي نَهْ اِسْتَه كِه اِنْسَانِ صَالِحِ بِهْ حَسَابِ بُوِي، نَهْ فِقْطِ اِيْمَانِي نَهْ.

^{۲۵} هِنْتَهْ نِي مَگَمِ فَاحِيِيَشَه رَا حَابِ، اِشْتَنَ اَعْمَالِي نَهْ صَالِحِ حَسَابِ اَوْمَهْ نِيِيَهْ، اَ مَوْعِ كِه قَا صِدُونِ پَنَاهِ دُو شَه وَ اَوُونِ اِيْلَهْ دِيِيَرِ رَاهِي نَهْ رَا بِي گَرْدِشَه؟ ^{۲۶} هَتَهْ كِه بَدَنِ رُوْحِ كَا جِدا اَبُو بَمَرْدِي، اِيْمَانِ نِي اَعْمَالِي كَا جِدا اَبُو، بَمَرْدِي.

۳

زُوُونِي رَامِ اَگَرْدَه

^۱ اِچْمِنِ بَرَا اِنِ، نَبِي كِه شِمَهْ كَا وَرِ گَسِنِ خِدا كَلَامِي مَعْلَمِ بِيِيَهْ دَوْمَلَهْ بَبُونِ، چَوْمِ بَزِيروُنِ كِه اَمَهْ مُعْلَمُونِ رَا، دَاوَرِي چَتِينِ تَرِيِي. ^۲ چَوْمِ كِه اَمَهْ گِرْدِ وَرِ رَاهُونِ كَا خَطَا بَگَرْدِيْمُونِ. اَكَمِ كَسِي اِشْتَنَ گُفِ زُنْدِهْ كَا خَطَا مَكْرَهْ، كَامِلِ اِنْسَانِي اِسْتَه وَ بَشَايِ گِرْدِ اِشْتَنَ بَدَنِي پِي شِي بَگَرِه.

^۳ اَكَمِ اَمَهْ اَسْبِي گِ كَا نِخْتَهْ بَنِيْمُونِ، اَبِي، چَمَهْ مَطِيْعِ بَگَرْدِيْمُونِ وَ بَشَايْمُونِ اَ حَيُوُونِي گِرْدِ بَدَنِي هَرِ طَرْفِي رَا كِه پِي سْتِمُونَهْ بَبَرَمِ. ^۴ گَشْتِيوُنِ دِيَسَهْ، هَرِ چَنِ اَوُنِ وَرِ يَالِي نَهْ وَ تِنْدَهْ وَ اَوُنِ نَهْ تَكَا نِ بَرْدِينِ، وَ لِي اِيْلَهْ رُوَكَهْ سُكَا نِي نَهْ هَرِ طَرْفِي رَا كِه نَا خِدا پِي سْتِي شَه بَرْدَهْ بَبِيْنِ. ^۵ بَسْ هِنْتَهْ نِي، زُوُونِ نِي كِه اِيْلَهْ رُوَكِ عَضُو اِسْتَه، اَمَّا يَالِ يَالَهْ اِدْعَاوُونِي اِسْتَشَه. اِيْلَهْ رُوَكِ جَرَقَهْ بَشَايِ اِيْلَهْ يَالِ جَنْگَلِي وَ شِ بَرْنَه. ^۶ وَ زُوُونِ نِي اِيْلَهْ اَتَشِي اِسْتَه؛ اَبِي دُنْيَا نَادَرِسْتِي كَا كِه چَمَهْ بَدَنِي گِرْدِ اَعْضَا دِيْلَهْ كَا دَرِيِيَهْ وَ اِنْسَانِي گِرْدِ وَجُوْدِي كَثِيْفِ بَگَرْدِي وَ چِي زَنْدِگِي گِرْدِي اَتَشِ بَرِي، اَتَشِي كِه جَهَنْدَمِ اَبِي رُو شُونِ اَگَرْدِشَه!

^۷ اِنْسَانِ هَمَهْ جُوْرَهْ حَيُوُونِ وَ پَرْنَدَهْ وَ حَزَنْدَهْ وَ دَرِيَايِ يَهْ حَيُوُونُونِ رَامِ بَگَرْدِي وَ گَرْدِشَه، ^۸ اَمَّا هِيچِ اِنْسَانِي نِي مَشَا زُوُونِي رَامِ اَگَرِه. زُوُونِ اِيْلَهْ نَا اَرُوْمَهْ شَرُوْرِي اِسْتَه كِه گُشْنَدَهْ رَهْرِي كَا پُوْرَه!

^۹ چَمَهْ زُوُونِي نَهْ خِدا وَنَدِ وَ دَدَهْ نَهْ مُتَوَارِكِ بَوَاتِيْمُونِ وَ هَرِ زُوُونِي نَهْ اِنْسَانُونِي كِه خِدا شِيوَارِ خَلْقِ بِيِيَنَهْ، لَعْنَتِ بَگَرْدِيْمُونِ. ^{۱۰} اِيْلَهْ گِ كَا، هَمِ بَرَكْتِ بَرُونِ بُوِي، هَمِ لَعْنَتِ! اِي چِمِنِ بَرَا اِنِ، چَاكِ نِيِيَهْ اِنْتَهْ بَبُو. ^{۱۱} مَگَمِ بِي اِيْلَهْ خَانِي كَا

هَم شيرين آو برون بَرَا، هَم سوره آو؟ ^{۱۲} چِمِن پَرَا، مَگم بِي اَنجِيلَ دار، زيتون بواره؟ يا اَنگَرَه رَز، اَنجِيل بَدَه؟ هِنْتَه نِي سوره خاني نيمِشا شيرين آو آدَه.

حکمت آسمونی کا

^{۱۳} شَمَه ديله کا حکيم و عَقْلَمَند کييه؟ بَدَاَرَه آبي اِشْتَن چاکه زندگي نَه نيشون بَدَه، آ، اَعْمَالِي که فروتنی نَه اِستَه و حکمتی کا سَرچشمه بَگَتِي. ^{۱۴} اَمَّا اَگم شَمَه ديلي کا تِلَه حَسودی و خودخواهی هسترونه، اِشْتَن مَگَرَه و حقيقتی ضِد گَف مَرْتَه. ^{۱۵} اِنْتَه رَه حکمتی آسمونی کا نا، بَلْگَم رَميني و نَفْسَانِي و شيطاني اِستَه. ^{۱۶} چوم هَر جِگَا کا حَسودی و خودخواهی ببُو، او آ کا بَلوا و هَر جوَرَه زِشْت کِرْدکار نِي بِي.

^{۱۷} اَمَّا اَ حکمتی که آسمونی کا اِستَه، اوّل پاک اِستَه، دومله صلح جو و آروم اِستَه، نصيحتی گوش آگرَه، و رحمت و چاکه نَمَرَه کا لِبَالِب اِستَه و فرق نوعه و دِ ديمي کا دور اِستَه! ^{۱۸} صالح بييه، محصولی اِستَه که صُلح و صفا کا، و صُلح جويَه آدَمون دَسِي نَه کاشته بِي.

۴

دنیا پرستی هُشدار

^۱ چه چی باعث بِي شَمَه ميانه کا دعوا دَلِكِه و چه چی باعث بِي شَمَه ميانه کا جَنگ و جَدَل دَلِكِه؟ مَگم شَمَه هوا هَوَسِن نينه که شَمَه وجودی ديله کا، کارا بَجَنگِستين؟ ^۲ ابي چي آرزو داره، اَمَّا وختی آبي به دَس نوره آدَم بَکشتيرون. طَمع بَگَرديرون، اَمَّا وختی نيمِشايه آبي به دَس بواره جَنگ و دعوا راه دَرَفَنه، شَمَه نِدَاَرَه، چوم که درخواست نِگَرَه! ^۳ اَ موقعی نِي که درخواست بَگَرديرون، نويگرَه، چوم بَدَه نِيْتِي نَه پيسترונה تا شَمَه هوا هَوَسون را اِستفاده بَگرَه. ^۴ اِي زناکارن، بَگم نيمَزنه دنيا نَه رِفَاقت گَرِدَه، خِدا نَه دِشْمَنِي گَرِدَه اِستَه؟ بَس هَر کسی که دنيا نَه رِفَاقت گَرِدَه دومله اِستَه، اِشْتَن، خِدا دِشْمَن بَگَرْدِي. ^۵ يا اِمکه خَيال بَگَرديرون مقدس نيويشته بيخودی واْتشه که: «خِدا نَسبَت به روحی که چَمَه ديله کا نوعِشَه، وِر غيرت اِستِشَه؟» ^۶ اَمَّا خِدا وِرْتَر فيض بَبَخشستِي، اِمِي واسی بَوَاتِي:

«خِدا مَغْرورون پيشی کا بَمَندي،
اَمَّا فروتَنون فيض بَبَخشستِي.»

۷ بس اِشْتَن خِدا تَسْلِيم بَکَرَه. اِبْلِيسی پِيشی کا مَقاوْمَت بَکَرَه، کِه اَشْمَه کا دَوْرَه. ۸ بَه خِدا نَزْدِیک اَبِیَّه، کِه اَنی شِمَه نَزْدِیک بَی. اِی گِناہ کَارِن، شِمَه دَسون پاک آکَرَه، و اِی دِ دِیلِن، شِمَه دِیلون پاک آکَرَه. ۹ بَه حَال زَار دَلْگَه و داد و زاری بَکَرَه. شِمَه خورِستَه مَاتَم بَی و شِمَه شادی غُرْصَه. ۱۰ خِداوندی حَضوری کا اِشْتَن فروْتَن آکَرَه، کِه اَشْمَه سَرِیلِنْد آکَرَه.

۱۱ اِی بَر اِن، یَنْدی کا بَدْگویی مَکَرَه. هَر کَسی کِه ایلَه بَر اِضِد بَد بَوآجَه و یا اِشْتَن بَر اِداوَری بَکَرَه، شَرِیعَتی ضِد بَد وائِشَه و شَرِیعَتی داوَری گَرْدَشَه. ولی اَگَم تَه شَرِیعَتی داوَری بَکَری، تَه شَرِیعَتی داوَرِیِش نِه چَی بَجا اَوْرَنْدَه! ۱۲ فِقْط اِی نَفَر اِستَه کِه شَرِیعَتی اَدوَعَشَه و داوَر اِستَه، کِه اَنی هَر کَسی اِستَه کِه بَشای نِجَات بَدَه یا هَلاک بَکَرَه. بَس تَه کِیِش کِه اِشْتَه حَمْسوَعَه داوَری بَکَری!

یال یالَه گف زَنْدَه صَبَا دَرِباَرَه

۱۳ و شِمَه کِه حِسَه بَوَاتِیرون: «اَوَری یا صَبَا، اِم شَهْر اَشَهْری را بَشِیْمون و اِی سال اوْا کا بَمَنْدِیْمون و تِجَارَت بَکَرْدِیْمون و وِرَه سوْد بَکَرْدِیْمون»، ۱۴ با اِم حَال شِمَه حَتی نِمْزَنَه صَبَا چَه بَی. شِمَه زَنْدِگی چَه؟ ایلَه بُوخاری شِیوَار اِستِیرونَه کِه اِی لِحْظَه ظاهِر بَی و دوْمَلَه نِیست بَی. ۱۵ بَس بَسِی اِنْتَه بَوآجَه: «اَگَم خِداوند پِیْسِتِشَه، زَنْدَه بَمَنْدِیْمون و اِنْتَه و اَتَه بَکَرْدِیْمون.» ۱۶ اِنْتَه کِه معلومَه شِمَه، شِمَه تَکْبُری نَه فَخْر بَکَرْدِیرون. اِنْتَه رَه فَخْر گَرْدَه بَد اِستَه! ۱۷ بَس، هَر کَسی بَزوْنَه چَه کَاری دَرِست اِستَه و اِی اَنْجَام مَدَه، اِم آءِ اَدَمی را گِناہ حَسَاب بَی.

۵

هَشْدَار دوعِه بَه ثروتمندون

۱ و اَمَّا شِمَه اِی ثروتمِنْدِن، زاری و شیون بَکَرَه، چوم مَصِیْبَتِن شِمَه اِنْتِظاری کا اِستِیْنَه. ۲ شِمَه مال و منال نابود بَیْیَه و شِمَه خِلاوِن پَت زَنْدَشَه! ۳ شِمَه طِلا و نَقْرَه موراَنَه زَنْدَشَه، و چوون موراَنَه زَنْدَه شِمَه ضِد گَواهی بَدای و ایلَه اَنْتِشی شِیوَار، شِمَه بَدنی گوشتی بَرْدی. شِمَه اَخِرِیْن روزون کا هِنْتَه مال و منال جَمْع اَگَرْدَرَوْنَه! ۴ حِسَه اَ کَارْگرونی مُزْد کِه شِمَه زَمِیْنون سَری کا دِرو گَرْدَشوْنَه، و شِمَه حُقَه بازِی نَه چوون پوْلی هَرْدَرَوْنَه، شِمَه ضِد خِلیع بَکَرْدی. ها، بَرْرَه بَرُون خِلیع، فُشونون خِداوندی گوش اَرَسْتَه. ۵ شِمَه زَمِیْنی سَری کا ناز و نَعْمَتی نَه و عِیْش و نوْشی دِیلَه کا زَنْدِگی کَرْدَرَوْنَه، و شِمَه دِیلون گُشْتاری روزی را کوک اَگَرْدَرَوْنَه!

۱ شِمَه اَصَالِحِ مَرْدِي مَحْكُومِ گَرْدِرُونِه و كِشْتِرُونِه، اَشْمَه پِيشِي كَا مَقَاوَمَت نِگَرِي.

صَبْر، اَذِيَت اَزَارُونِ كَا

۷ تَبَسِ اِي پَرَا اِن، تَا اَرْوَزِي كِه خِداوَندي بُوَمِي صَبْر بِيگَرِه. دَيسِه چِنْتِه گِشاورز اِنْتِظَارِ گِشِه تَا زَمِينِ اِشْتَنِ بَا اِرِزِشِ مَحْصُولِي بِه بَارِ بُوَا رِه؛ چِنْتِه صَبْرِ بَكْرَدِي تَا پايِزِ و بَهَارِي وَا رِشِنِ زَمِينِي سَرِي كَا بُوَا رِن. ۸ شِمَه نِي صَبُورِ بِيئِيَه. شِمَه دِيلِ قُرْصِ بِيو، چُومِ چَمَه خِداوَندي اَوَمِه نِزْدِيكِ اِسْتِه. ۹ پَرَا اِن، يَنْدِي رَا غُرْغُرِ مَكْرَه، تَا بَرِ شِمَه نِي دَاوَرِي مَبُو، دَيسِه: 'دَاوَرِ' بَرِي وَرِي كَا مَنَدَه.

۱۰ پَرَا اِن، اَپِيغْمَبَرُونِي كَا كِه خِداوَندي نُوْمِي نَه گُفِ زُنِن، مَصِيْبَتِ و صَبُورِي دَرَسِي يَادِ بِيگَرِه. ۱۱ اَمَّا حَسَه بِيو كَسُونِي كِه صَبْرِ و تَحْمَلِ بَكْرَدِيْن. شِمَه، اِيوْبِي صَبْرِ و تَحْمَلِي دَرِبَارَه دَرَسَرُونِه، و بَزْنِيروُن كِه اَخِرَسَرِ خِداوَندي اَيِيْنِه چِه گَرْدِشِه، چُومِ خِداوَندي بِي حُدِ و اِنْدَازَه مِيهَرُوُونِ و بَخْشِنْدِه اِسْتِه.

۱۲ اِچْمِنِ پَرَا اِن، اَمَّا هَمِه چِي كَا مُهْمَتَرِ، قَسَمِ مَرَه؛ نِه بِه اَسْمُونِ، نِه بِه زَمِينِ و نِه بِه هِيچِ چِي دِيئِرِ. وِلِي بِدَا رَه شِمَه 'هَا' هَه، هَا بِيو و شِمَه 'نِه' هَه نِه بِيو، نَبَا دَا مَحْكُومِ بِيئِيَه.

دَعَا اِيْمَانِي نَه

۱۳ شِمَه دِيلِه كَا كَسِي عَذَابِ گِشِه؟ بِدَا رَه دَعَا بِيگَرِه. شِمَه دِيلِه كَا كَسِي خُوشْحَالِ اِسْتِه؟ بِدَا رَه حَمْدِ ثَنَا نَه سَرُودِ بُوخُونِه. ۱۴ شِمَه دِيلِه كَا كَسِي مَرِيضِ اِسْتِه؟ بِدَا رَه كَلِيْسَا شِيخُونِ دَخُونِه و اَوْنِ اَيِيْرَا دَعَا بِيگَرِنِ و خِداوَندي نُوْمِي نَه اَيِي رُوعَنِي نَه مَسْحِ بِيگَرِنِ. ۱۵ اِيْمَانِي نَه دَعَا گَرْدِه، مَرِيضِي نَجَاتِ بَدَايِ و خِداوَندي اَيِي پَرِزَاوَنِه، و اَكَمِ اَ اَدَمِ گِناهُونِي گَرْدَشِ بِيو، بَخْشِيْسْتِه بِيئِن. ۱۶ تَبَسِ، يَنْدِي وَرِي كَا شِمَه گِناهِ اَوْنِ اِعْتِرَافِ بِيگَرِه و يَنْدِي رَا دَعَا بِيگَرِه تَا شِفا بِيگَرِه. صَالِحِ اَدَمِي دَعَا، وَرَه قُدْرَتِي نَه عَمَلِ بَكْرَدِي.

۱۷ اِيلِيَايِ پِيغْمَبَرِ نِي چَمَه شِيوَارِ اَدَمِ بَه، اَمَّا وَخْتِي غِيْرَتِي نَه دَعَا گَرْدِشِه كِه وَا رِشِ مَوَا رِه، سَه سَالِ و نِيْمِ زَمِينِي سَرِي كَا وَا رِشِ نُوَا رِسْتِه؛ ۱۸ وَا مَوْقِعِ كِه اَه، هَنِي دَعَا گَرْدِشِه اَسْمُونِي كَا وَا رِشِ وَا رِسْتِه و زَمِينِ اِشْتَنِ مَحْصُولِي دُوشِه.

۱۹ اِچْمِنِ پَرَا اِن، اَكَمِ اَيِي نَفَرِ شِمَه دِيلِه كَا حَقِيْقَتِي كَا دُورِ اَبُو، و اَيِي نَفَرِ دِيئِرِ اَيِي اَگَا رْدِنِه، ۲۰ اَ اَدَمِ، بَزُوْنِه كِه هَرِ كَسِ اَيِلَه گِناهِ كَارِي گَمْرَاهِي كَا اَگَا رْدِنِه، چِييِ جَانِي مَرِگِي كَا نِجَاتِ دُوعَشِه و وَرَه گِناهِ اَوْنِ بُو شُوْنَدَشِه.